

Dinfwngz Fwngzguh Swnjcienz Baenz Cien Bi——

Daemjman Bouxcuengh Lungzcouh

□ Sinhyungz comz hoiz



▲ Mbanjciz baenz dieggok dinfwngz daemj man.



▲ Gyoengq saulengj ndaw mbanj comz daemj man.



▲ Vunz guekrog caemh bae ndaw mbanj yawjngonz daemj man.



▲ Mehmbwk Mbanjciz bouxboux rox daemj man.



▲ Daxmeh son dahniq daemj man, dinfwngz daihdaih cienz roengzbae.



▲ Naihlaux naengh baihhenz vawi daemi man.

Dahcojgyangh ngutngut ngaungaeu raemx laeyaeng-yaeng, gig rox dajcauh dwk ngutngaeu mbat hung ndeu, ungganq baenz yienhsingz Lungzcouh gyaundeidei dwggayez neix. Gizneix miz cungj dinfwngz fwngzguh swnjcienz baenz song cien lai bi ndeu, de sengdoengh dwk baijyienj gangjlwnh le gij gyaundeidei aen minzcuz ndeu, hawj vunz dawz de dangguh gij hauhbiu vwnzva aen minzcuz neix, gijneix couhdwg — Mancuengh Ginhlungz.

Mancuengh Ginhlungz dwg guek raeuz seiq cungj manz mizmingz ndawde cungj ndeu, dwg gaiqbauj vwnzva minzcuz Guengjsae. Ginhlungz daj Ciuz-han ndujdaeuz couh miz gij sibgvenq ndaem gosangh ciengx nonsei, aeu seireh daemj man, aeu man guh najdenz dangguh doxgaiq baehaq haenx. Mancuengh Ginhlungz dwg aeu aen “Gihhuz” faexdoq yungh fwngz daemj baenz. “Gihhuz” dwg youz gyaqdaemjrok, cangmae, riu-j-mae, riuja caeuq dwkva haj gaiq gyoebbaenz. Daemj man seiz aeu maedaengj maevang doxgyau daemj. Maedaengj aeu maedaemj Mancuengh, faen maedaengjboux maedaengjme song caengz, gij saek de baenzbaenz dwg saek-haurongh seireh mbouj bienq. Ciuq yotsei - dozmae - “bin-loz” - yien maedaengj - con bakngaz - cang rokva - faen maeboux maemeh - cang gih-huz - daemj man daengj gonq-laeng bae daemjrok. Maevang gietdingh daemj baenz manva yienghlawz, bingzciengz aeu gij mae, ndaij roxnaeuz maelwenq nyumx baenz lai cungj saek mbouj laenz gvaq roxnaeuz loq laenz di guh mae, gij saek de ciuq mbawdoz yiengh bienq de mboujduenh bienqvuenh. Daemj

man seiz, ciuq gij doz veh ndei haenx, aeu diuzcik vadauz saek-seuj raizva okdaeuj, lumjbaenz yiengh doz dwg saekhoengz, couh ciep maehoengz hwnjbae; yiengh doz dwg saek heu, couh raed maehoengz goengq bae, ciep maehau hwnjbae. Yienghneix mboujduenh bae “ciep daengj gat vang”, hawj sienq daengj sienq vang mboujduenh doxgyau, couh ndaej daemj baenz fuk Mancuengh gij saek mbouj doxdoengz, gij va cix gak yiengh, gyaundeidei dangqmaz ndeu.

Mancuengh Ginhlungz youq lizsij gwnzde ndaej lied guh laexsoengq dijbauj ciuzdingz gak ciuz gvaq. Gaijfang gvaqdaeuj, Mancuengh Ginhlungz ndaej swnjcienz caeuq hwngfat ndaej ndei, camgya daengx gih daengx guek gunghyi meijsuzbinj minzcuz vunznoix doxdax roxnaeuz baijyawj haujlai baez gvaq. Bi 1976 ndwen 9, Ginhlungz Cin Gveibingz Cunh Mbanjien “bet cejnuengx singq Max” haenx vih biujdap faenhsim niemhngex Mauz Cwzdungh cujsiz, yungh 28 aen hwnzngoenz daemj baenz le fuk Mancuengh baihdaw sieng mbawsiengq Mauz cujsiz, baihlaj mbawsiengq seujsiuq miz cihsaw “Mauz cujsiz ciengxlwenx youq ndawsim raeuz”, soengq daengz Gvangjsih Bozvuzgvanj baijyawj, ndaw guek rog guek rox caez bae. Gaijgwz hailangh le, Mancuengh Ginhlungz gai bae daengz daengx guek gak dieg caiqlij Sinhgyahboh, Yizbwnj, Meijgoz, Gyahnazda daengj guekgya rog guek dem. Bi 2018 ndwen 12, dinfwngz daemjman Bouxcuengh Ginhlungz Lungzcouh ndaej lied haenx buek daihcaet swcigih gaep feihvuzciz vwnzva yizcanj daiqbiuqsingq hangh-moeg mingzloeg.



▲ Mehmbwk Veiz Suyingh baij gij man de daemj baenz haenx.



▲ Gyoengq mehmbwk nyaengq rag maedaengj.



▲ Mehmbwk dawz maedaengj maevang cang hwnj gwnz aen-daemjrok.